



特31

918

宇多天皇事記史料

三



特31
918

史料卷之八

宇多天皇事記第五上寬平三年正月

寬平三年辛亥

正月大辛亥朔

一日辛亥會依太政大臣基經病止樂事

西宮元日節會條云寬平三年依太政大臣病止樂

十三日癸亥太政大臣薨事

扶桑畧記云寬平三年辛亥正月十三日關白太政大臣藤原基經薨五十謚曰昭宣公按
十八當作五十六歷代皇紀愚管抄爲五十七亦誤也

公卿補任云藤基經贈太政大臣長良三男母贈太政大臣總繼女贈正一位大夫人乙春也按總繼大鏡并尊卑分脈作繼繩誤也

紹運要畧云太政大臣基經中納言長良三男也良房忠仁公男子不御坐故養子給攝關傳云承和三年丙辰御誕生仁壽元年於東宮內殿加冠文德天皇覽二年正月補藏人御十七孫無位齊衡元年正月十六日任左兵衛尉十月十一日叙從五位下十一月二日任侍從按二書作一今據文德實錄大鏡裏書改之二年正月十五日任左兵衛佐三年七月服解喪父八月奪情從公

天安元年二月十六日任少納言同廿三日兼左衛門佐。至正月七日叙從五位上。九月十四日任左少將。少納言侍從如元十月補藏人頭。十一月廿五日兼播磨介。貞觀二年十一月十六日叙正五位下。三年三月八日叙從四位下。五年二月十日轉左中將。按公卿補任多誤脫仍今從本

文德實錄云齊衡元年十月壬戌授正六位上。藤原朝臣基經從五位下。十一月癸未從五位下。藤原朝臣基經為侍從。二年正月丙申從五位下。藤原朝臣基經為左兵衛佐。天安元年二月甲申從五位下。藤原朝臣基經為少納言。辛卯從五位下。藤原朝臣基經為左衛門佐。少納言如故。二年正月庚子從五位下。藤原朝臣基經授從五位上。

三代實錄云天安二年九月十四日壬申左衛門佐從五位上。兼行少納言侍從。藤原朝臣基經為左近衛權少將。少納言侍從如故。十一月廿五日壬午從五位上。守左近衛權少將。兼行少納言侍從。藤原朝臣基經為播磨介。餘官如故。貞觀二年十一月十六日壬辰授從五位上。守左近衛權少將。兼行少納言侍從。播磨介。藤原朝臣基經正五位下。三年三月八日壬午授左近衛權少將。正五位下。兼行少納言侍從。播磨介。藤原朝臣基經從四位下。五年二月十日癸卯從四位下行。左近衛少將藤原朝臣基經為中將。

公卿補任云貞觀六年正月十六日任參議兼左中將。元藏七年正月廿七日兼阿波守。三月廿八日兼伊豫守。中將如元八年正月七日叙從四位上。三月廿三日叙正四位下。十二月八日叙從三位任中納言。越七九年正月十四日依宣旨兼左中將如元。

三代實錄云貞觀六年正月十六日癸卯左近衛中將從四位下。藤原朝臣基經為參議。本官如故。七年正月廿七日己酉參議左近衛中將從四位下。藤原朝臣基經為阿波守。左近衛中將如故。三月廿八日己酉參議左近衛中將從四位下。藤原朝臣基經為伊豫守。中將如故。八年正月七日甲申授參議左近衛中將從四位下。兼行伊豫守。藤原朝臣基經從四位上。三月廿三日己亥進參議左近衛中將兼伊豫守。藤原朝臣基經階加正四位下。十二月八日己卯勅進參議正四位下行。左近衛中將兼伊豫守。藤原朝臣基經階加從三位任中納言。

中右記云元永二年十一月廿八日披見聞書之所三位中將有仁任權中納言兼權中將。源氏中納言中將初例也。中納言中將始自昭宣公。公卿補任云貞觀十年五月廿六日兼左大將。按據關傳為正月大鏡十一年正月十三日兼按察使。十二年正月十三日任大納言。廿八日如元兼左近大將。按據關傳及表二月又兼按察使。如元十四年八月廿五日叙正三位任右大臣。按裏書有廿九日九月二日叔父忠仁薨有猶子之義。居喪之禮如父子。十月十三日上表辭大臣。初同十六日重上固辭表。

十一月廿九日為攝政良房公替但無兵仗宣言兼大將之故也按本書首五卷嘗稱公卿
追年記之仍往往有可疑者基經攝政職于是年及十八年共為十一月廿九日蓋有良房薨後無攝錄之疑存此兩說歟今據國史并諸記以十八年為正

三代實錄云貞觀十一年正月十三日辛未中納言兼左近衛大將從三位藤原朝臣基經加陸奧出羽按察使餘官如故十二年正月十三日丙子於紫宸殿前拜大臣以下參議以上策命曰從三位藤原基經朝臣明大納言爾任賜十四年八月廿五日癸亥進從三位守大納言兼左近衛大將陸奧出羽按察使藤原朝臣基經階加正三位策命曰大納言正三位藤原基經朝臣波元來致誠天日夜止無久慎奉之上爾朝政毛能堪奉倍器奈留依天右大臣官爾治賜十月十三日庚戌右大臣基經上表辭大臣職優詔不許廿六日癸亥勅答曰右大臣藤原朝臣讓表三至具之云々遂以往命便斷來章十一月二日戊辰右大臣抗表曰誠願見賢思齊還職封之一半積小成大裨國用之萬分不堪悃誠謹以奉表詔許之

本朝文粹管贈大相國為昭宣公辭右大臣第一表臣基經言伏奉恩旨以去八月廿五日任右大臣仲思注意望辰極以魂亡俯行具瞻揖蒸黎而顏厚臣某中臣銀黃濫服葭麥爾昏欲報光寵於昊蒼更累崇班於尸素况乎禮之強仕臣齒未滿其期書之阜成臣能未及其事昔甘羅之一十餘二以多智不為少年今微臣之三十有七以無才猶謂太早伏願陛下鴻慈聽臣愚悃退臣所帶俸槐路斷曠官之聲華門得稅駕之地不勝至誠上表以聞臣某誠惶誠恐頓首頓首死罪死罪謹言貞觀十四年十月十三日正三位守右大臣兼行左近衛大將藤原朝臣上表按管家文
草零位署

都文文集答右大臣藤原朝臣讓職勅書勅右大臣藤原朝臣讓表三至具之朕推心於卿大小悉委而今頻致取衽之請未親補衮之勤雖清風足以激貪而素概何益匡政若欲雲霞變意不在人間朕豈奪之若當輔道眇身共安天下今其時也遂以往命便斷來表公卿補任云貞觀十五年正月七日叙從二位十八年十一月廿九日宣旨攝行天下之政如舊事

三代實錄云貞觀十五年正月七日癸酉進正三位守右大臣兼行左近衛大將藤原朝臣基經階加從二位十八年十一月廿九日壬寅清和天皇讓位於皇太子勅右大臣從二位兼行左近衛大將藤原朝臣基經保輔幼主攝行天子之政如忠仁公故事十二月甲辰朔右大臣基經抗表辭攝政不許矣四日丁未右大臣重抗表遂不許
清和
本朝文粹管贈大相國為昭宣公辭攝政上太上皇第一表臣基經言伏奉去月廿九日傳國詔命曰少主未親萬機之間臣基經攝行政事如忠仁公故事臣某中伏惟忠仁公德崇功大仁義兼資况先帝之親舅陛下之外祖人望皆歸官齒既貴陛下知其元老專俸攝政

天下萬民僉以為宜今臣年出不惑性猶童蒙職致大臣効無匡濟朝夕流汗責深罪重夫代天治民者人君也導君從天者人臣也而詔命曰比年災異仍見此復重臣罪責也漢代以災異免三公之官臣所尤可懼也臣平生備員之日陛下猶引過於一人臣非常受寄之時今上何明德於四海蹇蹇既疲坦途况雲巖不知遠近乎短楫無利夷浪况淵水不測邊涯乎任重道悠不知所處今公卿大臣在位者多皆是有德良人陛下察而用之亦亡叔忠仁公屬纊之夕重託扶持陛下莫愆始終之教臣今緣詔命離去仙砌攝事朝廷進慙失教退恐違命臣始謂穆遊之轉翠華誰知竟心之脫黃屋臣將隨陛下為雲中之吠犬何更歸城關為華表之鳴鶴臣之至誠既其如此臣某誠惶誠恐頓首頓首死罪死罪謹言貞觀十八年十二月一日右大臣從二位兼行左近衛大將藤原朝臣某上表按菅家文草不載之

管家文章為右大臣上太上皇重請被停攝政表臣基經言中使右近衛權中將藤原朝臣山蔭至奉傳勅旨抑止臣請不知愚款之乖聖懷更疑微誠之違天聽臣某誠惶誠恐頓首頓首死罪死罪臣位貴官重皆是陛下之殊私祿厚封高亦復陛下之絕寵殊恨淹引日月偷安非服不意綸命乍降屬以重寄縱令陛下責臣以有一割之力而復臣訴陛下以無再全之錦不獨顧身亦能思國以臣思國之慮將盡報主之情陛下推而察之莫重臣罪臣以為春蒼夏昊猶是一天朝東暮西未為兩日伏願臣心不離魏闕將致今上臣子之忠臣身常侍仙階不失亡叔臨終之命臣謹檢故事皇帝之母必升尊位又察前修幼主之代太后臨朝陛下若寶重天下憂思幼主則皇母尊位之後乃許臨朝之儀臣竭力施功不敢懈緩臣誠盡矣臣願足為不堪惘欵之至累表上聞臣基經誠惶誠恐頓首頓首死罪死罪謹言貞觀十八年十二月五日按本朝文粹又載之

公卿補任云元慶元年正月九日辭大將不許二月遂辭大將賜帶劔二年七月十七日叙正二位即賜隨身內舍人二人左右近衛各四人

三代實錄云元慶元年正月九日辛巳右大臣基經抗表請罷大將職云伏望辭武辨於蘭臺專愚忠於槐署陽成今上遣大納言南淵朝臣年名資此表奉太上天皇宮太上天皇勅曰表請之旨理合容聽當國重任攝行萬機不可煩之以一職但君子武備腰底忽空願特賜帶

劔嚴其儀形仍金銀裝寶劔一寄年名還奉之今上即日以劔賜大臣七月二日辛丑右大臣從二位藤原朝臣基經以久旱不雨上表請罷攝政優詔不許二年七月十七日庚戌進

右大臣從二位藤原朝臣基經爵加正二位又賜隨身是褒崇攝政之意也勅曰明王御世資魚水以清沼聖帝字民依鹽梅以緝化朕以童昧虔奉鴻基兢惕積於寸懷憂勞切於一

已唯仰輔弼之力亦賴化導之恩舅氏右大臣藤原朝臣夏霖輸其功寒雪封其節有忠於國不私於家繁務於於矜懷庶事決於唇吻海岳之効尤著涓塵之報未加遙討緹函幽求

汗簡凡在褒賞莫不率由况乃佐理心深攝政寄重在於成式可謂闕如宜加尊崇以示天
下可加正二位賜內舍人二人左右近衛各四人以為隨身兵仗庶使東閣之邊威風添氣
紫官之下台曜增光廿三日丙辰右大臣正二位藤原朝臣基經抗表曰伏奉今月十七日
恩勅加臣階級及賜隨身兵仗臣聞賞不借於无勞名不假於非地其苟有僭有假者是政
之疵國之疵也臣謬以斗筭忝斯台鉉為具臣而多載行成效而蔑聞去年畿甸恒陽南畝
少望秋之樂今歲邊亭告警東夷有猾夏之奸所謂謹在司空徵漢制而宜策免職飯冢宰
稽周官而當逡巡者也寔懼辜之弗遑何為幸之已甚圖龍渙枉鳳章忽飛恩出於意表事
逆於人聽臣恐陛下善政之中有一批陛下信賞之中有一僭復六衛府依例供奉太上天
皇官陣官皆有詔命被從停還夫移閭闔於姑山猶尚如此况寄衝泌以禁掖此何處由伏
望皇鑒日照丹誠收綸綍於中闈返爪牙於舊府不勝怵惕兢惶之至謹奉表以聞帝遣中
納言從三位兼行民部卿藤原朝臣冬緒齋表奉太上天皇宮優詔不許

公卿補任云元慶四年十一月八日改攝政詔為關白按攝關傳蓋船抄等以仁十二月四
日任太政大臣旬日之間三上表辭職優詔不許五年正月十五日叙從一位六年正月廿
五日上表復待直隨身內舍人二人左右近衛等勅答職封資人依請至隨身兵仗者事有
舊實不敢虧損二月一日有勅任人賜爵准三官如忠仁公之故事又依請減隨身內舍人

二人左右近衛各四人如元八年二月廿三日重受關白詔今日光孝天皇即位五月五日殊有勅行
內辨不可為例廿五日勅聽駕登出入宮六月六日聽書廳塵行政

三代實錄云元慶四年十二月四日癸未天皇御紫宸殿策拜右大臣正二位藤原朝臣基
經為太政大臣策命曰天皇我詔旨其乃勅御命乎親王諸臣百官人等天下公民眾聞食
止宣右大臣正二位藤原基經朝臣波朕之親舅奈忠貞心乎持以御世御世與天下政乎

相安奈助奉母久奈利又朕未及初載之時與輔導崇護供奉禮所母安因茲掛長太上天
皇乃詔命乎持天攝政乃職爾事與佐治賜倍朕我食國乎平久安久天照之治聞食須故
波此大臣之方奈而所帶官攝政乃職爾不相當止頃年添加大座都今掛長太上天皇

乃詔旨爾職波貴天官波賤天也久年乎歷倍太政官乃其人止最此卿爾可謂止勅御命
母安掛長支御命乃任仁上給治給止去春夏間與仲給大坐而大臣乃懇爾加志許未辭
讓申仁依天今未天延來禮今畏支本御意早果行倍物奈利仲給不御命母安故是以太

政大臣官爾上給治賜止久勅但攝政之職波今爾彌益々爾勤奉仕禮勅御命乎眾聞食止
宣十五日甲午正二位守太政大臣藤原朝臣基經上表曰伏奉今月四日册命以臣為太
政大臣攝錄如故伏願垂取新命許歸初服帝不聽遣左近衛少將正五位下兼行齋院長
官近江權介藤原朝臣遠經就太政大臣柎杷第宣口勅曰此職太上天皇之所拜授豈是

朕之可自由乎加之諒闇在時戒慎勿懈須早親職攝理如舊廿日己亥太政大臣重上表
廿一日庚子遣右近衛少將藤原朝臣清經就太政大臣柎杷第齋墨勅諭旨曰勅太政大
臣省表悉之宜敬乃職用協朕懷一如前詔莫復請焉五年正月三日壬子太政大臣抗表
六日乙卯勅曰豈先帝託六尺之孤寄四海之命之本情乎三讓雖高万機多擁宜屈獨善
之心俯諸百官之聽十五日甲子勅進正二位守太政大臣藤原朝臣基經爵加從一位十
九日戊辰太政大臣抗表伏以今月十五日蒙授從一位云々勅答云宜上奉先皇帝之聖
旨下叶予一人之恫懷欽承往命用斷後章縱雖百上不欲一從公宜悉之二月九日丁亥
帝遷自常寧殿御清涼殿太政大臣自拜職之後退居里第頻上讓表不視事是日入謁帝
於清涼殿廿一日己亥太政大臣拜職之後讓表日上其間太政官奏事多擁公卿議定令
辨大夫就太政大臣直廬以職院始白庶政此後爲例四月廿五日壬寅太政大臣抗表曰
停臣新職復臣舊班帝優詔不聽遣左近衛少將藤原朝臣有實於柎杷第返表申旨六年
正月廿五日戊辰太政大臣上表謂能攝政帝親萬機勅答曰先帝託公以眇身委公以庶
績以至今日誠思名雖列於成人德猶慙於往古復辟之事非予所知攝錄之機欲公勿讓
朕之此志莫觸順之廿八日辛未太政大臣抗表云伏願職封職田資人雜俸並馮先般之
定給物必斷此廻之新如前亦恩賜內舍人二人左右近衛各四人爲隨人老人宿疾中發
醫療外隨難持紫垣於直廬何分霜仗於街巷今各依初歸付舊府勅太政大臣來表悉之
其職封職田資人雜俸等並依所請一從省減已曠予一人之素情且依忠仁公之故事又
隨身兵仗等事有舊貫不敢虧損二月甲戌朔勅曰舅氏太政大臣藤原朝臣朕自古提抱
賴其保護思隆非常之渥寵以答莫大之元功其職封職田資人等累經以聞固自遜辭朕
不敢違之聽其所請又舊儀所賜隨身內舍人二人左右近衛各六人左右兵衛各六人然
而隨其固辭不更加給依前日之分配減定內舍人二人左右近衛各四人但任人賜爵等
並准三宮一如先帝策命忠仁公故事七年八月十二日乙巳太政大臣上表請停攝政曰
臣從忝攝錄之名常失心神之厝執離虎而非懼探驪龍而猶安况明辟有期舊章攸迪豈
抵滯於非據忘機衡之不釐臣伏以去年十二月廿六日敢披丹苦頻黷青規雖罄纖蕘之
誠未迴重華之照臣欲固守微志重祈哀憐會蕃客入朝愒館多務所司從事于懷遠微臣
未遑于叩閣屏氣鞠躬經春涉夏今齡若轉蓬飄然裏艾孟繫之足行步其艱許丞之翼風
雨瀾劇縱富強健之日尙謂踰涯况臨疲沓之時何堪紊序伏願陛下踐周成之正位遵漢
宣之膺圖則微臣歡極天下幸甚臣之懇誠豈啻爲慙謗議豈啻爲懼滿盈寔恐乖古今之
彝倫爽邦國之遐躅也不任悽々之至謹拜表以聞勅答曰得表具之初大行皇帝所以舉
天下而委公者非特爲予一人兼復顧萬方也自朕嗣事七年于茲垂拱司契寔賴不訓而

公深存謙遜冲護累年方寵光於浮雲蓄清白為重寶暨于舉周誦引漢詢求之常談或如
 可然但運鍾澆季俗盡彫殘非任明哲之謀安致雍熙之化况師範者公之最也儀刑者公
 之職也既兼親賢宜均休感豈有鼎盛之年空陳懸車哀暮之禮潯陽之地還履博陸疎遠
 之蹤乎公宜特加攝衛勉養精神上思先帝顧託之旨下待匪躬聽斷之期依舊薰攝莫重
 抗辭斷其後章明於前勅而來請未休雖昏雅素遺制之重朕何雌黃悉之耳十月九日壬
 寅先之太政大臣頻抗表請停攝政累月不視事勅遂不聽是日辨史參堀河邊第白庶事
 八年二月四日乙未太上天皇遷御二條院遜皇帝位焉五日丙申親王公卿引文武百官
 奉迎^{光孝}天皇即日鸞輿入御東宮親王公卿扈從天皇將出宮未御鸞輿之前太政大臣詣宮
 奉問起居解却太上天皇勅賜之劔腰底既空兵部卿本康親王左大臣源朝臣融先侍猶
 帶劔乍驚相見各自解之天皇即時勅賜三人帶劔
 恒貞親王傳云元慶末天子遜於陽成院時太政大臣昭宣公屬心於親王率左大臣源融
 右大臣源多陳樂推之志焉親王悲泣云內經厭王位而歸佛道者不可勝數未有謝沙門
 而貪世榮者焉此蓋修行之邪緣也乃不薦齊三四箇日將入滅度由是更奉迎仁和天皇
 為太子

世繼物語云陽成院位あつかせ給ひて物あくるいせ給やうにてけうふとまのまつ

り事をせさせたまへいすへさかたあくて關白殿を初て世のうせなんと歎きあひ
 給へどかないす關白にて昭宣公いまいすちなし位をおろし參らせんとおほして
 さりぬへき宮たち又ちかき御門の御^{光孝}の源氏に成給へるなどをみあるま給に
 宮達ハ心えてよく見えんとつころひきらめきあひたまへりつさく敷いみじき
 をこれおわると是もよく見えすとおほして小松の宮^{光孝}へ參上のよし申させ給へ
 へさきかせ給ぬとてあそと有ていれ奉りてとみあ出させ給をばけたかく物と給
 ふとおほす程よそいて給へるふるめき神さひて御なをむき給せずあたりかは
 なるさまにて何ことあたちよらせ給ひたるそとて物の給ひたるさまもよくおの
 します位につかせ給たらんにかしくおとしましなむと見奉り給てかうくと
 申給へいつとばかりと問せ給へい程へいあしくさふらひぬへけれいあさて日も
 よく侍ふ其日とてまかて給ひぬさてうちにまあり給へれい木に人をのほせてう
 ちころしたるをけうして人々わらひわれもわらひ入ておとしますいとあさまし
 おとし申給つれくに侍らへいくらへ馬のせむと侍ふに行幸して御覽すへき
 よし申給にいみじうよろこませ給ひていつとばかりと仰らるれいあさてと申給へ
 へよるこひていつとかとまたせ給ふ其日に成ぬれいかんたちめ殿上人せうく

まゐりてよき人々をいえりとめて年老するあるまじきひとつかうまつりて陽成院といふ所に御輿よせておろし奉りつさて後に物くるいしく人をさへころさせ給ひて世のうせ侍ひぬへけれいおるしまゐらせつるを申かけしを聞せ給てそかなしき事かなとてをうしとをめかせ給ひたりけるさてやかて昭宣公をせしめ奉りて百引つれて御輿くして小松の宮へまゐらせ給ぬるめてた

くいみし
大鏡云小松の御母深子の殿の御母のそらからおとしますさてちこより小松の御門をいそたく見奉らせ給ひてこといふれてきやうさくにおそしますをあれ君かなと見たてまつらせ給ひけるによしふさのおとの大饗にやむかひみこたかなならず大饗につかせ給ふ事にてわたらせ給へるに難足いかならず大饗にもる物にておへるをいかしけん尊者のおまへにとりおとしてけり陪膳する人みこのおまへのをとりてまどひてそんじやのおまへおするをいかおほしけんおまへの御とのあふらをやをらかいけさせ給ふこのおと、いそのをりいげらうめて座のすゑにて見奉らせ給ふにいみしくもせさせ給ふ物かなといよいよ見めてたてまつらせ給ひて陽成院おりさせ給ふへきためおさふらせ給

ふとほるの大臣やんてとなく位よつかむといふ心ふかくてちかき王胤をたつねはとほるらも侍といひいせ給へるをこの大臣王胤たれとちやうを給ひりて只人あてつかはれて位よつきたることありやと申出給へれいさもある事なれこの大臣のさためおよりて小松のみかどの位あつかせたまへるなり

三代實錄云五月廿五日甲申勅聽太政大臣駕輦出入宮中六月五日甲午勅曰天皇詔光孝宣御命乎衆聞食止宣布太政大臣藤原朝臣先御世御世與天下乎濟助介朝政乎

總攝奉仕禮為國家建大義為社稷立忠謀天不意外爾萬機之政乎朕身爾授任天存閑退之心執高讓之節朕聞定策之勳自古先錄又賞不踰月是政之先止聞食須大臣功績

既高天古之伊霍與利乃祖淡海不比等公叔父美濃良勝公與利朕將議其賞爾大臣素懷謙挹心必固辭退天政事若壅世元畏美思保之本官乃任爾其職行牟思保之所司爾令勸爾師範

訓道乃美非安利内外之政无所統久有倍加利假使爾無所職久可有久止朕耳目腹心爾所待奈禮特分朕憂止思保須自今日官廳爾坐天就八萬政領行比入輔朕躬出總百

官之倍應奏之事應下之事必先諮稟與朕將垂拱而仰成止宣御命乎衆聞給止宣七月六日甲子太政大臣抗表曰臣伏奉去月五日詔命欣戴啓處无聊臣貪見聖化思馨觀愚况

蒙綸言當翊衮職誠以區々於待且以叶堯典孜孜於戴星无負湯誥而天資羸弱病累稍

仍受教而由既迫數旬扶病而興未朝一日雖勵離疎之質難堪吉甫之勤匪嘗微臣坐貽
罪辜還恐庶績成成壅遏方今左右大臣朝之柱石國之股肱既任其勞龍周能得其魯
衛畫一之寄將更待誰伏望枉降天鑒許臣微懷養生衡宇之中久戴堯舜之化謹奉表以
聞八日丙寅勅太政大臣省表具之公義為股肱親是、朕之倚賴伊自疇初密於漆之
投膠深於魚之憑水豈啻古今君臣之分而已哉一日不見如三秋故望其日夕入朝一事
不詢如蒙霧故命其事々諮稟今天知朕之於公无一日不相見无一事不相詢也是復所
以為當時之重鎮為後嗣之元龜者也必王室之政无所不知有司之事无所不統足以分
朕肝食宵衣之憂慰朕虛懷側席之望如何責阿衡以忍勞力疾役冢宰以侵暑冒寒乎公
其願養精神臥治職務亦加將攝无替釐益國家昇平所望於公長生久視亦所望於公公
其悉之十月八日乙未勅太政大臣祿法雜律依式行之先是太政大臣表請減省准左
右大臣今循舊數焉

公卿補任云仁和元年正月一日光孝天皇御大極殿受朝賀行內辨此官無如此之例此日別
有勅行之是權時之事也二月勅聽節會不列群臣直昇殿四月廿日天皇於五箇寺各請
十僧轉讀大般若經限五箇日蓋賀大臣五十算也
三代實錄云仁和元年正月十三日己巳勅以攝津國為奈野為太政大臣狩鳥野樵蘇放

牧依舊勿制四月廿日甲戌天皇於延曆寺東西院崇福梵釋元興寺五寺各請十僧始自
今日五箇日間轉讀大般若經賀太政大臣滿五十算兼祝壽命也九月九日庚寅勅聽太
政大臣節會日不列群臣直昇殿十二月廿五日乙亥太政大臣今年始滿五十之算帝於
內殿命宴賀之杯案精華絲竹間奏促席談飲通夜極歡贈資左右馬寮善馬五疋夏冬衣
裳五襲隊具屏風等有數又度僧五十人以備修善祝算也

管家文章右親衛平將軍屏風詩序自注云將軍許余以言笑之好仁和元年冬抄密語云相國
今年滿五十子率諸僕可設遊宴座後所施屏風欲致妙絕汝作詩將將軍書之巨金岡畫
之予願足矣再三雖辭遂不實放為叙本意乃有此注而已

又為源中納言家室藤原氏奉為所天大相國修善功德願文仁和二年女弟子藤原滋子敬白
三世如來十方聖眾弟子所天閣下消塵未訓海岳彌大霜露如騁春秋屢迴非積善之慶
不成非皇天之祐不降是我人子何忍默然夫至孝之道不以極樂為務以冥助為情冥助
之功以真實為宗不以名稱為本是故佛眼曼荼羅三幅一鋪維摩梵網經兩部五卷丹青
之信假手莊嚴黃金之字至心書寫過伽水淨繞壇場以有芳流護摩火明燒災難而無餘
燼圓滿心願則天王現歡喜之相成就福因則佛母飛真言之咒年之陽春春之仲月自二
十一日至二十五日五箇日夜作法已畢其明朝二十六日便展講筵演說寶典雲蓋爭迎

雖殊淨名居士之空室日輪已暖欲同玄通華光之照明入夜之後待曉之間乞淨戒於阿闍梨仰尊儀於師子吼此等功德唯有一念俾我所天閣下其久如瓊闕之長生俾我所天閣下其堅如金剛之不壞弟子身是婦人孝道有限雖無朝夕相近以陪摩頂未有時刻暫懈而忘和顏仰願講會隨喜之諸尊戒壇證明之菩薩自東方自西方自上方自下方或擊加持咒護之良藥或銜利益安樂之明珠如我本願助此報恩猶歎所天載口者世之無事歲之有年所天迴心者幽之遇明苦之得樂弟子修善既云事父普及一切如是廻向

公卿補任云仁和三年十一月廿一日詔關白万機去八月宇多院受禪同廿六日關白上表勅答云社稷之臣宜以阿衡之任以上表為關十一月事既引仁和三年四年二月廿一日賜年官年爵勅准三宮如忠仁公舊事按一本并大鏡裏書為廿一日六月二日重賜關白詔依阿衡事也

政事要畧六月二日宣命云去年十一月廿一日下詔書云万機巨細皆關白於太政大臣然後奏下而上表天固執閑退之志爰即令左大弁橋朝臣廣相作勅答而下之其結句云以阿衡之任為卿之任而尚持疑不肯視事天下之務皆盡擁滯多朕之本意万政乎關白天欲賴其輔導止之天前詔下而奉旨作勅答之人廣相加引阿衡已乖朕本意多流字借母淵固辭退之坐奈利介驚支御坐之更重天述御意天宣久太政大臣自今以

後眾務乎輔行比百官乎緣賜倍應奏之事應下之事如先諮稟與朕將垂拱而仰成止宣全文既引仁和四年

北山抄云昭宣公關白詔廣相作之阿衡之任為公之任云々佐世申云阿衡无典職不可關白官中庶務歟仍持參官奏不覽之事及天聽以道々博士令勘申之河原大臣奉勅問廣相并諸儒清行長谷雄愛成月雄等皆同佐世然大臣不能辨決因之召儒士於御殿又難一決如此之間關白不知政及數旬仍訴作者之罪廣相不仕云々按阿衡事詳政事要略既引仁和三四兩年

公卿補任云寬平元年十一月十九日聽腰輿二年十二月十四日依病上表辭職有勅關白事暫依申請停之病若有間視事如故三年正月十三日薨年五十六詔贈正一位階封越前國謚曰昭宣公號堀川太政大臣送山城國宇治郡攝關傳云寬平二年冬大臣寢疾於此天皇詔賜度者卅人又免囚徒三年正月十三日薨年五十六輟朝三日云々

愚管抄云太政大臣基經寬平三年正月十三日薨五十天皇甚哀悼詔贈正一位食封資人並如生

西宮記引延喜六年六月六日御記云左大臣談語及給故尙侍勅書等事大臣曰先例勅

命使於樞庭所讀詔書可有其儀昭宣公薨時樞先至小野墓所勅使大江朝臣至彼所以本家中、儀國經執傳宣命臨樞讀之云々

延喜式云次宇治墓贈正一位太政大臣越前公藤原朝臣在山城國宇治郡墓戸一烟

大鏡云このれと、ハ長良中納言の三郎におはすこの大臣の御孫子むすめ醍醐の御時

の後朱雀院ならひに村上二代の御母后おはしますこの大臣の御母贈太政大臣

繼繩のむすめ贈正一位太夫人乙春なり陽成院位につかせ給て攝政の宣旨かうふ

り給ふ御とし卅七寛平の御時仁和三年丁未十一月廿一日關白あならせ給御とし

五十六うせさせ給て御いみな昭宣公と申す公卿あて廿七年按七當大臣の位にて

廿年世をむらせ給事十よ年かどこを覺え侍れよの人堀川の大古今臣と申おとしうせ

給てふか草の山古今みをさめたてまつるよ勝延僧都のよみたてまつる空蟬古今のからを

見つゝもなくさめつふか草の山煙たまたてまた上野峯雄といひし人のよみたる

深古今くさの野への櫻心あらはことしはかりの墨深にさけ

文德實錄云權中納言兼左衛門督從二位藤原朝臣長良有子六人第三子基經今攝政

右大臣也基經幼少之日敬愛異於諸子古人有言知子不如父誠哉仁明

大鏡云いつれの御時とはたじかにえき、侍らすたふかこそこの御ほどにやなど

を思ひやられ侍るせり川のみゆきせしめ給ひけるお昭宣公わらの殿上あてつか

うまつらせたまへりけるおみかど琴をあそばしけるこの琴ひく人のへちのつめ

をつくりておよひおさし入てそひくことにて侍りしさてもたせ給ひたりけるを

おとしおはします大事におほしめしけれと又つくらせ給ふへきやうもなかり

けれのさるへきにてそおほしめしよりけんおとなしき人々にもおほせられす

をさなくおはします君にしも、とめてまゐれとれほせられけれの御馬をうちか

へしてればしますけれといつこをばかりともいかてかいたつぬさせ給はむ見い

て、まゐらせさらんことといみしうたほしめされけれのちとめいてたらん

所にハ一伽藍をたてむと願はれはしてもとめさせ給ひけるあいてきたる所をか

し極樂寺のをさなき御心にいかてかれほしめしよらせ給ひけんさるへきにて御

つめもれちをさなくたはします人にたはせられけるにこそ侍りけめ接又見

同裏書云故宮内卿清光卿云傳聞承和天皇仁明行幸芹河之日爲使彈琴造假爪而隨身也

而途中忽悟紛失之由爲求之思量可使之人昭宣公童名手古此日扈從也上知其賢心

擇而召之密仰云所持造爪落失也不知在何處計汝器量定有求得早還行可求者忽承

此仰手足失方心中立願慎求出來路此時夜未明秉燭而行到借橋下下馬步行之間編

橘繩傍有裏者等閑取見之已得所求之御造爪權喜馳還未參之前上谷仰早還之由即奏求得之由上大悅曰此人猶異諸人其後恩寵彌盛云々

九院佛閣抄云山王院今千手葺檜皮五間堂一字右院本傳教大師所置也仁壽年中昭宣公改本板葺堂更造葺檜皮新堂安聖觀音像也

慈覺大師傳云齊衡三年三月廿一日天皇文德請大師於冷然院書堂南殿受兩部灌頂左兵衛佐藤原朝臣基經等同受之

大鏡裏書云應天門有火良相右大臣伴大納言計謀欲退信左大臣共參陣座時後太政大臣基經為近衛中將兼參議良相大臣急召之仰云應天門失火左大臣所為也急就第召之中將對云太政大臣知之歟良相大臣云太政大臣偏信佛法必不知行如此事中將則知

太政大臣不預知之由報云事是非輕不蒙太政大臣處分難輒承行遂辭出到職曹司令諮太政大臣大臣驚令人奏曰左大臣是陛下和之大功之臣也今不知其罪忽被戮未審因何事若左大臣必可見誅老臣先伏罪帝初不知聞大驚怪報詔以不知之由於是事遂定矣按愚管抄又載之

三代實錄云仲野親王能用奏壽宣命之道音儀詞語足為模範當時王公罕識其儀勅參議藤原朝臣基經大江朝臣音人竟就親王六條第受習其音詞曲折焉

續教訓抄云古昔吹笙名人昭宣公三條中納言朝成卿六條左大臣重信公以上九部利茂小治田有秋

又云延喜五年正月廿二日御記云保忠笙ヲ吹レハ曲調頗ナラホシ橘皮トイフ笙ヲ給フ此笙ハ故太政大臣昭宣弱冠ノトキ承和天皇笙ヲナラハセ給ハムタメニ給フトコロ也而ニ寛平年中其名物ヲ天皇ニ獻セラル其後彼舊跡ヲ尋テ宜陽殿ニテ給之云々按保忠者基經孫時平一男也

管家文章為右大臣依故太政大臣遺教以水田施入興福寺願文貞觀十五年九月二日弟子右大臣敬白弟子伏奉故太政大臣美濃公之教曰興福寺者予先祖發其本願雲構年深龍銜響遠予自少日輪身至殘陽憂國偏用盡忠於王事未遑致力於伽藍臥病而悟臨命以慙汝能識之必行予志去年九月二日斯乃温顏即世之夕也自後迴光不住忌序既臻墳墓未乾淚痕猶濕弟子漸尋先靈宿意貴儉而不好奢故恩澤追贈之禮讓寵章於聖朝權車引攝之因禁勸修於家僕弟子今從先靈遺訓分先靈舊產捨水田若干町以充寺家之資用一二日注具在別紙又其道福布施未為過多今准令條不敢減折夫不可量者如來方便之力難思議者世尊拔濟之功仰願十方諸佛一切賢聖同發大歡喜之心共垂哀聽許之念一頃一畝將接畔於福田惟耨惟耕遂混利於佛種凡厥所修功德撥資先靈煩波眇

之念一頃一畝將接畔於福田惟耨惟耕遂混利於佛種凡厥所修功德撥資先靈煩波眇

眇莫願娑婆之昔居寶樹行々安住兜率之今樂聖主陛下比乾坤以無傾太皇太后貫涼
 煥而逾嶺善根之施福惠之流匝四大海而未窮超三世界而何限普及無邊共成樂果
 古今集云堀河のれほいまうちきみの四十賀九條の家にてあける時によめる在原
 業平朝臣櫻花ちりがひくもれ老らくのこんといふなるみちまかふかに
 伊勢物語云むかし春宮の女御の御かたの花の賀にめらあつけられたりけるに花
新古今集平
 にあかぬをけきいづもせしかともけふのこよひあはれるときりなご
 三代實錄云元慶二年十一月十六日丁未先是去年天皇聖體違豫右大臣齋戒肅祈禱
 翌日之遶是日身自向大和國春日神社奉幣賽先禱也四年五月十六日己巳迺者膏雨
 難得農民稍憂廿日癸酉快雨是時右大臣攝政每遇水旱災異側身修職欲消去之密勿
 祇畏恭事神明七年十一月十六日乙卯于時天皇愛好在馬於禁中閑處秘而令飼以右
 馬少允小野清如善養御馬極少屬紀正直好道術時々被喚侍禁中蔭子藤原公門侍奉
 階下常做駝策清如等所行甚多不法太政大臣聞之遽參內裏駝逐宮中庸猥群小清如
 等尤為其先焉

江談抄云醉望西山仙駕遠微臣淚落舊恩衣宣公 公家傳文云元慶四年正月廿日侍
 宴座謂左右曰前陪太上皇命此宴今日所著太上皇脫下御衣也此日應製詩末句見之

滿座感動或有拭淚者于時太上皇御水尾山寺

圓珍和尚傳云天台宗法文并諸經論於未傳本朝者和尚入唐求寫齋來者其數甚多其
 後元慶五年唐婺州人李達依和尚之囑付張家商船送來本朝一切經闕本一百二十餘
 卷元慶六年和尚又差小師三慧入唐重令搜寫闕經三百四十餘卷先是故太政大臣越
 前公有本願書寫一切經常恨諸經多闕至是大悅即皆寫補之

西宮記云延喜四年十二月十九日此日令祭雷公北野此祭本意訪左大臣曰此故太政
 大臣昭宣公元慶中為年穀祈雷公有感應因每年秋必祭之

年中行事抄云仁和元年五月廿五日昭宣公進年中行事御障子于時太
政大臣

慈覺大師傳云寬平二年太政大臣越前公施入年給一分一人其狀云為支天台教主慈
 覺大師本願奉施入如件傳聞大師昔者踰龍波求象教即在西唐發欲建禪院之願近者
 倫聞滿山之眾各易三衣沽一鉢欲買故南亞相北山之宅以建立件院弟子聽此事有感
 於懷故施件年給聊補綴闕乏其後主上感悟此旨給內給一分一人

今昔物語云今昔堀河ノ太政大臣ト申ス人御ケ御名ハ基經ト申ケ此ハ長良ノ中
 納言ノ御子也大臣身ノ才並无テ心賢シ御ケレ年來公ニ仕テ關白太政大臣ヲ成上
 給テ糸止事无カリ亦子孫繁昌シ男女皆微妙ケリ御娘ハ醍醐ノ天皇ノ御后ト

朱雀院村上ノ二代ノ天皇ノ御母也男子一人ハ時平ノ左大臣ト申ス本院ノ大臣ト申ス此也一人ハ忠平ノ太政大臣ト申ス小一條ノ大臣ト申ス此也一人ハ仲平ノ左大臣ト申ス此ノ仲平ノ左大臣ハ枇杷ノ大臣ト申ス其ノ外ハ數御ケレモ其ハ皆公卿以下ノ人ナレ不註先ツ大臣ノ子三人難有キ事ニ堀河殿ニ住給ヒケ堀河ノ太政大臣ト申ス也ケ閑院モ此ノ大臣ノ御殿ニ有ケレ其ノ殿ハ御物忌ノ時ナト渡リ給ケ疎キ人ハ寄セ不給ケリ親キ人々ノ限リヲ寄セ給ケ閑院所ニ爲セ給ヒケ其ヨ閑院ト云也ケ堀河ノ院ハ地形ノ微妙ハ晴ノ所ニ大饗被行ケ時ハ尊者ノ車ハ堀河東ニ立テ牛ハ橋柱ニ繫ケ他ノ上達部ノ車ハ河西ニ立並ヘ有ル微妙也尊者ノ車別ニ立テ所ハ此堀河ノ院ニ有ケル又見大鏡

西宮記云九記云太閤仰云堀河太政大臣元慶仁和間被住枇杷殿其時八條式部卿并左右大臣參詣殿下或自進中門迎客或令人示云東帶之間且可被著御坐

拾芥抄云高倉殿土御門南高倉西一町昭宣公家云々枇杷殿左大臣仲平公宅昭宣公家近衛南室町東或鷹司南東洞院西一町堀川院二條南堀川東南北二町昭宣公家三代實錄云元慶三年五月四日癸巳太上天皇遷自清和院御粟田院即是右大臣藤原朝臣之山庄在鳴川東也四年十一月廿五日乙亥太上天皇遷自棲霞觀御圓覺寺圓覺

寺者右大臣栗田山庄也

田氏家集云大相府東庭貯水成小池小池種一紫藤至於今春始發花房酌於花下翫以賦之應教重華累葉種相依池上新開映晚輝料量紫茸花下盡家香更作國香飛一種垂藤數尺斜雖新雖舊是回家久來用意依芳蔭不向人間趨百花

政事要畧云木幡山者左青龍右白虎前朱雀後玄武之勝地也四方似城百里不絕元慶太政大臣昭宣公相地之宜承爲一門埋骨之處爾來氏族彌廣子孫繁昌帝后必出於此門王侯相將濟々焉

管家文草時平公昌泰二年奏狀云臣亡考昭宣公占山城國宇治郡地有意欲建立極樂寺阿彌陀本尊且顯堂構未成募金沙以揚名先白露而殞命臣思述其志八載于今鳳剎龍銜見聞之情相感香煙花朶供養之法僅存雖無莊嚴之可觀猶是塵俗之難犯也全文在昌泰二年

今昔物語云今昔極樂寺ト云フ寺有リ其ノ寺ハト云フ僧住リ此ノ寺ハ堀河ノ太政大臣ト申ス人ノ造リ給ヘ寺也而ニ其ノ大臣ノ御名ヲ基經ト申ス身ニ熱病ヲ受テ日來重シ惱ミ煩ヒ給ヒケ方々ノ御祈共有リ就中靈驗有テ貴キ思モ有ル僧共ハ不參ハ无リ參集テ祈テ无キ事ハ无リ其ノ此ノ極樂寺ノ僧ハ世ニ貴キ思モ无ケレ此許ノ御祈共ニ召モ无シ而ニ此ノ僧ノ心思ハ我カ此ノ寺ニ平安ニ住ス

事ハ此ノ殿ノ御影也此ノ殿失給ハ何ニカ行カム爲ル思テ歎キ悲テ年來持奉ル所ノ仁王經一部ヲ具シ此ノ殿ニ參ス極テ人多ク物騒ト云モト中門ノ北ノ廊ノ角ニ屈リ居テ他ノ思ヒ无ク念ヲ入テ仁王經ヲ讀誦シ祈リ奉ル殿ノ内ノ人前ニ返々ル通り行ケト露目見係ル人无シ二時許ヲ經ル重ク煩テ臥シ給ヘ殿氣ノ下ニ人ヲ呼テ宣ハ極樂寺ノ大德ヤ有トル人申テ云ク中門ノ脇ノ小廊ニ候ト亦宣ハ其レ此方ニ呼ト此ノ聞ク人恠ヒ思フ此ノ僧貴シ云フ思モ无クシ若干ノ僧ヲ召スモ召无キ參テ居ルニ不得心ト思フ此召有ル何ナ事ト思モト人行テ僧ニ召ス由テ云ハ僧召ス人ノ後ニ立テ參ル止專无キ僧共ノ居並ニ後ノ筵ニ屈リ居テ殿參ルカ問ヒ給ハ南ノ寶子ニ候ト申ス殿ノ此ノ内ニ呼ヒ入レテ臥シ給ヘ所ニ召シ入ル病極テ重クシ不宜キコソ此ノ僧ヲ召ス程ノ氣色少シ宜氣ニ見ユ僧ヲ召シ入レツ枕上ノ御几帳ノ外ニ候フ其ノ時ニ殿自ラ御帳ノ帷ヲ褰テ頭ヲ持テ上テ宣ハ我レ只今夢ニ我カ當リ極テ怖レ氣ト鬼共有テ取々ニ我カ身ヲ凌蹊ルシ程ニ端正ナ童ノ鬘結ル楚ヲ持テ中門ノ方ニ入來テ此ノ鬼共ヲ楚ヲ以テ打テ揮ヒッ鬼共皆迷ケ去ヌ我レ何ノ童ノ此ハ爲ル童ニ問ニ童ノ云ク極樂寺ノカ此ノ祈念シ今朝ニ參テ中門ノ脇ノ廊ニ居テ仁王經ヲ誦ス間一文一句他念无クシ心ヲ至テ誦ス驗ノ顯ハレ其ノ護

法ノ惱ム所ノ惡鬼ヲ揮ト有ル依テ我等來テ揮ヒ去ル也ト我此ヲ聞テ貴シ思テ驚ル病搔巾ヲ襟ニレキコト實ニ參テ有ルカ問セツ今朝仁王經誦テ候ト云ハ喜ク其喜ヒ云カ爲ニ此ヲ呼ヒ入レテ也ト宣テ僧ヲ禮テ御裨係ル御衣ヲ召テ纏ケ給テ宣ハ汝ヲ速ニ寺ニ返テ彌可祈請シ僧喜テ罷リ出レ間御祈ノ僧共殿ノ内ノ人共ノ見ル氣色共極テ止事无シ

十四日甲子 停御齋會内論義事

北山抄御齋會内論義條云寬平三年依大相國薨不舉音樂亦停論義十三日薨左經記云寬平三年正月十三日太政大臣薨昭宣十四日御齋會了無音樂依太政大臣薨也

停止論義者

十八日戊辰 賭射重服大將參入事

北山抄賭射條云重服大將依召參入奉奏之後退出有例寬平三年天曆四年例也按此時左

大將良世重服也

廿八日戊寅 縣召除目事

西宮抄云寬平三正十一除目議始十三日太政大臣薨廿八日除目更始

三十日庚辰 縣召除目事

西宮抄云寬平三年正月卅日大召
公卿補任云源貞恒寬平三正卅兼備前權守三善清行寬平三正卅肥後介
古今集目錄云小野春風寬平三年正月卅日兼讀岐權守小野滋蔭寬平三年正月卅日
任周防守

史料卷之八

史料卷之九

宇多天皇事記第五中起寬平三年二月盡九月

二月大辛巳朔

十三日巳依可遷御內裏於宮中行御讀經事

十九日巳七社奉幣事

西宮記云寬平三年二月十九日己亥甚雨午一刻始自伊勢至于鴨松尾平野八幡春日
大原野合七所奉幣云々去十三日請百二十一口僧於紫宸仁壽清涼常寧殿等有御讀
經云々

新儀式云從陣外可遷御本宮前七八日遣使伊勢大神宮并十一社寬平七年奉幣告以遷御
內裏貞觀七年從太政官御仁壽殿寬平三年自東宮入御內裏之時例也又於可御殿行御修法御讀經承和九年寬平三年等例也

自東宮遷御內裏事

西宮記云未三刻天皇從東宮遷御內裏少納言無鈴奏爲廢務也供奉諸司及駕輿丁等
皆着褰笠云々陰陽寮設厭法之調度立於御前入承明門童女二人出自紫宸殿東頭於
庭中取彼寮所設物一人乘獨立於御輿前步登紫宸殿又左馬史生牽黃牛一頭在御輿
前童女後同步至于階下云々

廿九日己散位道真補藏人頭事

職事補任云藏人頭式部權少輔止五位下管原朝臣按三月九日任少寬平三年二月廿

九日補按公卿補任一代要記歷代皇紀大鏡裏書為三月誤也菅家傳記古今集目錄同本書

三十日庚道真辭藏人頭事

管家文章請罷藏人頭狀右臣某伏奉昨日任藏人頭之勅旨夢中之想經曉猶迷冰上之

行向春欲陷臣謹檢近代之例文德天安藤原良繩貞觀藤原家宗同山陰仁和平正範藤原有

穗源元富代藤原時平同高經源希等或出自潢流或生於鼎族其德也堪守芝蘭之種其

威也足率鸞鳳之群未有凡夫懦士之能當此任以遺其名者矣臣罷官南海歸命北辰枯

苑更華死骨重肉剛闕下而趨拜分已無涯列侍中以周旋恩何不翹古人云服之不衷身

之災也臣自謂褊衣短裳亦復慎之况其職之乖人望乎况其任之違天量乎伏願聖主陛

下停臣所掌更選其人勿俾跋狎妄觸仙欄腐鼠初汗禁省而已縱使臣凌崩浪於鼇頭臣

豈敢辭命縱使臣蹈長途於虎尾臣豈敢惜身唯此非據之職臣之所不知也臣某誠惶誠

恐頓首頓首死罪死罪謹言寬平三年二月卅日散位正五位下臣管原某按本朝文粹又載之

三月小辛亥朔

三日癸丑曲水宴事

管家文章上巳日對雨翫花應製喜春尤物雨中花何况流觴醉眼斜蜀錦露汲依晚岸吳

娃點汗立晴沙且憐有漬香猶襲偏愛無塵色更加温樹莫知多又少應言夢到上仙家

田氏家集上巳對雨翫花應製暗來暗去到清明上巳春光費眼精禁樹花痕微雨脚官溝

水劑少雷聲臥槐欲起添膏液寒草應蘇見挺生此夕更知皇澤遠迎朝定出藥園行

九日己未一分除目以前行京官除目事

西宮抄云一分除目以前被行京官除目之例寬平三年正月卅日大召三月九日京官召

廿五日一分召

十九日己巳任大臣事

扶桑畧記云三月十九日大納言藤原良世任右大臣年七十左大臣冬嗣八男也按七十六

十九一代要記歷代皇紀為七十亦誤說在昌泰三年十一月

公卿補任云大納言正三位藤原良世左大將三月十九日任右大臣左大將如元中納言從

三位源能有右大將按察使使別當三月十九日任大納言右大將按察使如元參議從三

位源是忠左衛門督三月十九日任中納言左衛門督如元參議正四位下源光左兵衛督

備中權守三月十九日任中納言叙從三位參議正四位下藤諸葛備前權守右衛門督三

月十九日任中納言叙從三位

又尻付云藤時平仁和三年二月十七日任右近權中將按三代實錄爲左近五年正月十六日兼讚

岐權守寬平二年十一月廿九日叙從三位三年三月十九日任參議兼國如元按古今集

一月廿九日一代要記源興基元慶五年十二月十三日任左近衛權中將八年十一月

廿五日叙正四位下仁和三年二月三日兼伊勢權守寬平三年三月十九日任參議按又

記

廿九日卯右大臣良世爲藤氏長者事

公卿補任云右大臣正三位藤良世二月廿九日爲氏長者按又見與福寺年代記

是春左少辨佐世等左遷事

圓珍和尚傳云和尚晚年特受遇尚書左少丞藤佐世起居郎善清行綢繆恩好如有宿世

之契焉寬平三年春藤大夫佐世謫奧州刺史清行且左遷備州長史

四月小庚辰朔

十一日庚寅參議時平等兼任事

公卿補任云參議從三位藤時平讚岐權守四月十一日兼右衛門督參議從三位源直左

大辨四月十一日兼民部卿辨如元按此日保則任左大辨而爲辨如元者可疑參議正四位下源興基四月十

一日兼宮內卿按又見一代要記

又尻付云藤保則仁和三年八月廿二日任太宰大貳十一月十七日叙從四位上寬平三

年四月十一日任左大辨源貞恒元慶八年五月廿六日叙從四位上寬平二年正月廿八

日任右近衛中將三年正月卅日兼備前權守四月十一日兼左兵衛督藤有德仁和三年

正月七日叙從四位下同十一日任中宮大夫寬平三年四月十一日兼右大辨

藤原保則傳云仁和三年二月任伊豫守辭不赴職八月除爲太宰大貳十二月叙從四位

上寬平三年四月辟爲左大辨

廿五日甲辰左中辨道真重辭藏人頭事

管家文章重請解藏人頭狀右臣某不堪件職之狀以去二月卅日上奏右少辨希傳勅旨

云事須先舉可替之人然後辭退件職又奉口勅云早從職掌不得闕怠自爾以來漸六十

日進退周旋莫不違禮奉行宣下皆斯失常加以某去三月九日任式部少輔今月十一日

兼左中辨此兩箇職過分踰涯况復直瀧口撰書之所候御前侍讀之喚所帶者二官所勸

者兩役虛瑣之才難可兼濟望請特被殊優將解件職然則龍光之中暫全傷翹恩澤之下

久養枯鱗不堪至誠重請處分謹言寬平三年四月二十五日藏人頭正五位下左中辨兼

式部少輔某
五月大己酉朔

廿九日_丑禁諸司諸家徵物使寬勸調網郡司等事

類聚三代格云太政官符應禁止諸司諸家徵物使寬勸調網郡司雖掌事右得丹波伊豫
土佐等國解備調庸雜物貢進在限若違其期罪有恒法而今件徵物使等多集黨類候郡
司雖掌入京之日各競寬勸先號前分責取官物次稱土毛掠奪私糧縱不叶其求遂加陵
轍受郡司為免身辱偏忘公損或折納官內徒充賂遺之贈或取封戶物還致本家之費又
雖掌所職專在公文不預雜物而郡司未致之間勘責如前公糧竭於酒食旅資盡於苞苴
因茲不濟預事並以逃歸調物難濟公文擁滯職此之由於是國司常被絆解由郡司亦不
免決罰不加禁止何弭苛酷望請官裁被停件使將令貢調使並郡司務進納之事然則納
官封家無未進之弊國宰郡司免罪責之科者左大臣宣奉勅依請若有背符旨強遮之輩
捕身言上殊處重科宜令有司亦加糾彈諸國准此寬平三年五月廿九日

六月小月己卯朔按長曆以是月為大以七月為小今據西宮記柳菴抄改之

十三日_卯周易竟宴事

田氏家集云寬平元年十月九日御讀周易三年六月十三日講畢博士善受成把卷奉授
別駕忠臣侍讀都讀易之濫觴若比九流之書則如百川之與巨海矣易之通照若比五經
之鏡則如眾星之與使月焉我后帝出於震君臨干人以爲自我草昧垂化文明欲令天下

歸太古之初通寂然之理於是勅博士愛成叩其玄關別駕忠臣討其微義自從商瞿博
授穎達正義百家蜂起未有今日之盛也蓋所以廣先王之教化啓後生之耳目者也講畢
澆章時賜曲席良有以而爾焉臣質同万物仰觀飛天之龍鱗學異小翼俯擬漸陸之鴻翅
應詔仰列斐然之志也自披聖製閱義文大易幽微入五雲玉尺短長唯壘々著龜先後是
云々嫌疑誰累時頤讀爻卦何妨屬耳聞懸象瞬眸天上耀遺經滿鼻函中芸天時明兩應
言、寶曆通三莫善曠六十年來知命遇章編三絕爲仁君
江談抄云寬平法皇者受周易於愛成給竟宴之日叙位云々

十四日_{壬辰}伊勢太神宮乾方雷落事

神宮雜事記云寬平三年六月十四日酉刻太神宮之乾方路頭雷電落男一人黑斑文牛
一頭共解斬已了因以明十五日早朝禰宜注子細申送於祭使并官司之許又了禰宜內
人等贊海仁供奉即違道天從字石田山之西峯往反也爰彼度祭使神祇少副大中臣時
常并官司良臣等於路頭號不可有穢氣之由從本道參宮了

十七日_{乙未}禁諸院宮家使闖入諸國事

類聚三代格云太政官符應禁制諸院諸宮諸家使不經國司闖入部內事右得近江國解
備謹檢案內前司時調庸未進准租稅可徵率之狀格制已明而今前件使等不由國司闖

入部内陵轍百姓畧奪田宅妨取調庸非管勘責正物兼復倍徵賄賂調物難濟大抵緣此望請官裁諸院諸官諸家調庸若有未進者先牒國司將令辨進非有國符不聽入部然則官物易濟百姓安堵謹請官裁者右大臣宜依請諸國准此寬平三年六月十七日

十九日丁酉給失火百姓物事

中右記云大治二年二月十五日左大臣忠通令有相朝臣奏少外記御船傳說勘申失火百姓賑給例文承和九年七月十九日寬平三年六月十九日延喜十年二月十九日同十四年四月二日同年五月二日有此例

是夏延曆寺僧徒奉賀表事

圓珍和尚傳云寬平三年夏寺家大眾數百人詣闕奉賀表云延曆寺沙門叡操等謹言去年十二月廿六日恩勅授座主法眼和尚位圓珍以少僧都之職僧徒歡呼駭奔相告山神為之驚喜廟塔由是震動圓公生而為摩尼寶發而為優曇華智整圓鏡隨像分暉器藹鴻鐘待叩成響雖復形外之神獨遊金繩之境然而心中之眼常觀玉階之塵伏惟皇帝陛下德洽四埏化同千葉非唯蒼生沐其皇澤亦令緇徒潤其天波既而護彼正法崇此台宗擢一山之闍梨為四眾之都領發恩綸於綺閣耀龍榮於巖扃喜氣紛郁新添台嶺之霞德馨薰蒸潯滿靈山之窟叡操等宿植福業生屬明時見未曾有之善戴不可量之恩圓珠增光

彌照一乘之轍法藥倍味永愈群生之痾欣感交並百於恒品不任抃舞之至拜表以聞
内供增命祈念碎巖事

扶桑畧記云夏月增命安居山上叡嶽南嶺透巖如舌相向西塔古老傳云智德之僧多以天亡是之巖妖也和尙聞之望巖歎息三日祈念一朝雷電巖悉破碎其殞片于今在道傍明匠畧傳靜觀僧正傳云寬平三年夏和上坐於釋迦堂之北庵南大峯之側有一大巖其形如舌而其勢遙壓於西塔院即古老相傳曰此院有德之人多有不住者皆因此舌巖相吞耳和上座禪之際望巖歎息一朝雷電晦冥巖悉破落耳其夜夢有沙門語曰和上常歎此巖故破之扶靜觀即增命隘號也

宇治拾遺物語云いまのむかし解はん僧正の西塔の千手院といふ所に住給へり其所の南むきみて大嶽を守る所にて在けり大たけのいぬゐのかたのそひゐ大なるいとほあり其いとほの有様籠の口をあきたるゝ似たりけり其岩の筋の向て住ける僧と命をろくとしておほく死けりおほくいかめて死ぬらむと心もえさりける程ふこのいとのあるゆゑそといひたれり此岩を毒籠のいとほとそ名付たりける是ふより西塔の有様たゝあれふあれのみまさりけり此千手院も人おほくおほけれ住わつらひけり此いとほをみるに賊の籠の大口を明たる

似たり人の言事ハ實もさありけりと僧正思ひたまひて此岩の方に向ひて七日七夜かぢしたまひけれハ七日といふ夜半計空くもりあんとする事おひたし大獄よくろ雲かよりてみえどあはらく有て空晴ぬ夜明て大たけをみれハ毒籠の巖くたけて散失よけり夫より後西塔一人住けれともたよりなかりけり

七月大 戊申朔

二日己没五畿内不貢調物百姓戸田爲國寫田事

類聚三代格云太政官符應准京職進計帳手實日没不貢調物百姓戸田爲國寫田事右得河内國解併檢案内此國調錢未進經年猥積是則百姓誑詐不遵憲法之所致也謹案戸令云造計帳每年六月卅日以前京國官司責所部手實者於是左右京職准據此法進手實日令貢調錢至不進戸必没戸田號爲職寫以充上用而國例計帳之日不進手實無備調物只使郡書生勘造計帳至于勘會多有紕繆輸貢調物已致違期望請行計帳務之日且令進手實且令進調物若不進者没彼戸田爲國寫田然則輸貢叶期國吏免累謹請官裁者右大臣宣奉勅依請四畿内亦同寬平三年七月二日 按政事要略又載之

十四日 辛酉 藤原興世卒事

尊卑分脈云藤原村田三男興世陸奥因幡安藝但馬攝津等守右兵衛權佐從四下寬平

三十七四卒 一本爲村田一男富士麻呂子

文德實錄云嘉祥三年五月甲午正六位上藤原朝臣興世授從五位下八月庚戌從五位

下藤原朝臣興世爲右衛門權佐仁壽元年二月辛亥從五位下藤原朝臣興世爲陸奥守

甲子從五位下藤原朝臣興世爲常陸權介陸奥守如故

三代實錄云貞觀二年正月十六日丁卯散位從五位下藤原朝臣興世爲但馬介二月十

四日乙未散位從五位下藤原朝臣興世爲因幡守四年正月十三日壬午從五位上行因

幡守藤原朝臣興世爲阿波權守十年二月十七日辛巳散位從五位上藤原朝臣興世爲

刑部大輔十一年正月十三日辛未從五位上守刑部大輔藤原朝臣興世爲安藝守二月

十六日甲辰從五位上守刑部大輔藤原朝臣興世爲紀伊守

類聚國史云元慶元年十一月廿一日戊午授從五位上行出羽守藤原朝臣興世正五位

下

三代實錄云元慶二年三月廿九日乙丑晦出羽國守正五位下藤原朝臣興世飛驒上奏

夷倭叛亂今月十五日燒損秋田城并郡院屋舍城邊民家仍且以鎮兵防守且徵發諸郡

軍勅符曰得奏狀既知夷虜悖逆攻燒城邑犬羊狂心暴惡爲性不加道討何有懲人事須

量發精兵扼其咽喉三年正月十一日辛丑出羽國飛驒奏言去年十二月十日凶賊悔反

逆之過致束手之請便返進所掠奪之中廿二領

類聚國史云元慶七年正月七日甲戌授正五位下行伊勢守藤原朝臣與世從四位下

二十日丁卯停常陸國史生一員置陰陽師事

類聚三代格云太政官符應停史生一員置陰陽師事右得常陸國解備決疑之要必用占筮望請准武藏下總等國之例減史生一員置陰陽師謹請官裁者右大臣宣奉勅依請寬

平三年七月廿日

廿一日戊辰令式部大丞藤原春海間散位三統理平策事

類聚符宣抄云少輔正五位下管原朝臣道真傳宣右大臣宣奉勅散位三統理平方畧試

宣令大丞藤原春海間者寬平三年七月廿一日少錄阿保連扶奉

西宮記云延長六年三月廿八日貞公御記云博文朝臣可令間紀在昌之宣旨仰文永宿禰前例上宣也仍准故實仰也寬平年中奉勅宣旨也可謂違失貞觀仁和延喜之例皆上宣也

廿三日庚午左衛門督是忠補檢非違使別當事

公卿補任云中納言從三位源是忠左衛門督七月廿三日為使別當按歷代皇紀為六月

三十日丁丑相撲召合事

摺囊抄相撲條云仁壽殿東庭例寬平三七卅召合

又云卅日例寬平三延長五

西宮記云寬平三七月卅日相撲長近衛著尋常衣云々

八月大戊寅朔

三日庚辰定修理職官位事

類聚三代格云太政官符定修理職官位事右太政官去延曆十五年七月廿四日下式部

省符併造官職官位宜准中官職但大屬特為七位官其馬料者少屬己上人別給之又弘

仁九年七月十九日符併修理職官位馬料季祿等准據造官職者右大臣宣奉勅件職官

位宜仍舊貫寬平三年八月三日

令委填開用不動穀事

又云太政官符應令開用不動穀遺不加動用後年委填事右得民部省解備主稅寮解備不動穀者遠年之備非常之備尋常之時不可輒用而或國稱不足例年雜用申請件穀指倉開用假令可用千斛之穀猶開萬斛之倉遺九千斛皆為動用元來為例所司無責不動減少職此之由式云穀未下盡不得除忤然則迄下盡日可謂不動而多計之遺更為動用求之政途頗平公平望請自今以後開用倉遺猶為不動其所用之穀後年必令委填又開

用不動事須先盡遠年而或國寄言納倉破損申開近年不動須修理其倉如舊委納而開
用之後秩限已滿不加修理亦無委填遂使新穀之資虧充用途九年之貯一時永絕推之
物情亦乖理途重望殊施嚴制一切禁制者省依解狀謹請官裁者右大臣宣奉勅依請但
開用遺穀率於本數不足五分之一不可更勞委填不得偏恃此事每倉置遺若不遵行返
却稅帳

令縫出舉雜用殘稻并前司分付古稻事

又云應令縫年中出舉雜用遺稻并前司分付古稻事右同前解俯同寮解俯謹檢格條年
中出舉雜用之外不遺東把皆悉爲縫而今諸國殘稻不務縫成違乖格旨古稻猶多凡穎
與穀資用不同國家之貯穀是爲要所司須返帳不勤而案式年中出舉雜用殘稻不縫之
額並顯勘出不須返帳者因茲年年雖顯勘出國司會無改悛此則於帳無煩於吏無責之
所致也望請殊科責令慎將來者省依解狀謹請官裁者同宣奉勅依請仍須當任雜用殘
稻不論多少隨年縫納又前司分付古稻後司相承立率爲縫其率法者作十分論每年縫
一分但不論土浪隨營田數令縫其穀即委納不動若不遵行同返稅帳以前條事如右宜
依件行之寬平三年八月三日

五日壬依卜占令問死穢不淨於大神宮司事

神宮雜事記云七八月間天皇御所七物恠頻也仍令卜食之處神祇官陰陽寮勘申云巽
方太神依死穢事御崇歟仍八月五日下午宣旨於太神宮司被尋搜件死穢不淨之處以上
件六月死人事注申了因之差勅使被祈申於二宮了勅使王、王中臣神祇大祐中臣
安則等也即六祭日使時常官司良臣等科上祓但禰宜內人等違道依供奉費海之忠節
不科祓也

十日丁釋奠事

田氏家集仲秋釋奠聽講周易文宣未說藥爲仙恨背緇帷報緒鞭老邁歸田知不晚應休
職役絕韋編按忠臣是時爲
典義頭故云爾

十一日戊定考并內論議事

政事要畧云寬平三年八月十一日於太政官有定考事融良世左右大臣已下參議已上同預此
政但右大臣及右衛門督藤原時平卿重政畢之後參着左仗于時召昨釋奠博士等天皇

御出按良世母去年十月卒
時平父今年正月薨

西宮記云寬平三年八月十一日定考云々右大臣良世及右衛門督藤原時平卿重服仍政
畢之後參左近陣云々天皇御南殿有內論議事

又釋奠內論議條云博士以下候內記所差學生一人進博士以下交名外記入筥覽上卿
見了返給一通進藏人所仍不奏寬平三年奏之

天皇御南殿云々

九月大戊申朔

四日^{辛亥}齋王群行事

西宮記齋王群行條云寬平三年九月四日辛亥左大臣就左近陣行叙位事先例齋王參太神宮時以中臣五位為幣使仍大副有本充使而依病辭之仍叙少副時常為使云々勅召舍人舍人候昭訓門內唯少納言公幹代入自同門就第二版云々檢舊例有故者有宣命無故者無宣命仍今日無宣命云々按是時元子女王為齋宮又云齋王乘輿出昭訓門至八省東路南行至郁芳門路東折至美福門南行即出東掖門云々寬平三年承平三年路如此

十日丁重陽後朝事

田氏家集重陽後節題秋叢應製探賜交字因恭東日拜西郊寒草無愁霜露交蘭佩始應鳴紫玉菊粧猶未綻黃袍被無枝格沙盡孔蘆荻日承閣鳳巢欲勸句陳留退客洞中秋景不堪拋

十一日^{戊午}依例幣既發無廢務事

園太曆云寬平三年九月十一日無廢務辨史着結政今日例幣去四日進發之故也

禁諸國綱領犯所領官物事

類聚二代格云太政官符應禁斷諸國綱領犯所領官物事右左大臣宣奉勅監臨犯物罪科非輕事明法條人亦忌憚如聞比年諸國綱領各為奸犯或贖勞出身空歸國郡或買宅定居便留京都其所充用皆是官物國用之乏職此之由宜下知諸國嚴加檢察若有斯類捉身言上處之重科斷彼奸徒寬平三年九月十一日按政事要略又載之

禁京戶子弟居住外國事

又云太政官符應禁制京戶子弟居住外國事右齊衡二年六月廿五日格併延曆十六年四月廿九日下太宰府符併從二位行大納言神王宣奉勅括責浮岩先已下知今聞秩滿解由之人王臣子孫之徒結黨群居同惡相濟佞媚官人威凌百姓妨農奪業為蠹良深宜嚴檢括勸還本鄉情願留住便早編附若有犯者不論蔭贖科違勅罪移配遠處土人容而不申官司知而不糾者亦與同罪者右大臣宣奉勅件格年紀已久風威陵遲宜重下知嚴加檢括者頃年京貫人庶王臣子孫成就婚姻或逐農商居住外國業同土民既而凶黨相招橫行村里對捍宰吏威脅細民非唯妨國務抑亦傷風教左大臣宣奉勅宜加下知嚴令督察來年七月以前言上其去留之狀若頑狠之徒猶犯不改則不論蔭贖移配遠處一如前符曾不寬宥百姓尚容忍官司不糾察論罪科斷亦如前符寬平三年九月十一日

禁外國百姓奸入京戶事

又云太政官符應禁制外國百姓奸入京戶事右齊衡二年三月十三日格併延曆十九年十一月廿六日下民部省騰勅符併都鄙之民賦役不同附除之事損益已異今聞外民挾奸競貫京畿非唯增口貪田實唯冒名假蔭如不改轍何絕詐偽自今以後一切禁斷者如聞外土之民奸附京畿多遁課役無懷土心右大臣宣奉勅宣依延曆符嚴加禁止但有蔭首色不獲已可附者氏中長者覆審加署申所司所司申官待報符而後附帳者年來外國百姓或賄小吏而貫京畿或賂戶頭而冒氏姓即是格制雖存於前有司尚緩於後之所致也左大臣宣奉勅宜下符勸加檢錄若戶主隱而為人所告有司忍而不勤督察依法科處不曾寬宥寬平三年九月十一日

禁舍人帳內資人外託仕官家事

又寬平六年官符云舍人帳內資人之外託仕官家一切禁斷去寬平三年九月十一日新制已立云々全文在六年十一月

僧正真然入滅事

一代要記云九月十一日真然僧正入滅年七十三按和漢合符為六月歷代皇紀同本書又按行年諸記所載不一今無所是正東寺長者補任云僧正真然九月十一日於高野卒八十號後僧正又號中院僧正讚岐國

人佐伯氏弘法大師甥入室御弟子真雅僧正灌頂真濟受法貞觀十六年十二月廿九日任律

師元慶三年十月十日任權少僧都按密宗血脈抄為七年八年三月以後寺務任日可尋

去年加二長者云々仁和元年十月廿二日轉正三年依勅高野山建立一間四面真言堂一字奉安

置智法身大日一體四天王像各一體又建立九丈多寶塔一基安置八尺大日五尺四佛

金剛界皆金色是小松光孝天皇御願也四年三月卅日任大僧都按本書或說及血脈抄為四月五日寬平二年

十月二日任僧正

高野山檢校帳云南山座主真然師世姓佐伯氏讚州人空海甥也道業清高能繼法流從

空海遺言造營諸伽藍宇多天皇仁和四年戊申擢置金剛峯寺座主職同御宇寬平二年

庚戌為僧正同三年辛亥秋九月十一日寂年八十八

三代實錄云貞觀十六年十二月廿九日癸未詔以傳燈大法師位真然為律師元慶七年

十月七日庚子以法橋上人位真然為權少僧都仁和元年十月廿二日癸酉詔以權少僧

都法眼和尚位真然為少僧都

元亨釋書云釋真然姓佐伯氏讚州人弘法大師之甥也就而學密乘又受真雅之灌頂法

臨入定語然曰我以此山付汝汝其勵志營構為鎮護之靈區真言之教場汝其易乎蓋金

剛峯寺此時未成故有此遺訓然盡心於營造以故高野之峯為然之門院寬平二年為僧

正三年九月十一日滅

高野山與院興廢記云弘法大師御入定事承和二年三月廿一日寅時結跏趺坐結大日定印奄然入定雖然如世人不葬送而儼然安置則准世法及七女御忌御弟子等併以拜見顏色不變鬢髮更長因之加剃除整衣裳墨石壇例人可出入之許其上仰石匠安置五輪率都婆入種々梵本陀羅尼其上更亦建立寶塔安置佛舍利其事一向真然僧正所營也云々又或記云四十九箇日不理収五十日滿奉埋斯了其間六人御弟子達奉守護給所謂實惠真濟真雅真紹真然真是也云々私云高野附屬之弟子中院真然僧正自承和元年迄寬平元年五十六年執務之間併任祖師緣起繪圖彼廟塔并堂舍拜殿等相勵微力所令造營歟

密宗血脈抄云律師法橋上人位真然或記云號中院僧正又號後僧正弘仁末誕生幼少時隨大師悉蒙慈訓中略寬平三年九月十一日於高野山入滅七十餘寬平御宇以此師為仁和寺供養導師拾要意云守覺中院真然僧正為高野管領又為東寺長者大師御巡禮御共不關被參也大師御持經袋授與真然給云々其御經中青龍寺和尚手書經一卷有之其經理趣經也後被獻陽成院陽成院未東宮御時也

十四日辛酉參議與基卒事

一代要記云參議源與基寬平三年三月十九日任元左同四月十一日兼宮內卿同九月

十四日卒年四十四按公卿補任為十日疑脫四字

公卿補任云源與基仁明天皇孫四品人康親王男貞觀八正七叙從四下十三正廿九任

播磨權守十六正七叙從四上十八二十五任元慶元彈正大弼十九正十五任左馬頭元慶四十

七兼伊勢守五十二二十三任左近衛權中將六二三兼備前守八十一廿五叙正四下仁和

三正廿二聽禁色衣服二月三日兼伊勢權守寬平三三十九任參議四月十一日兼宮內

卿九月十日卒

三代實錄云貞觀八年正月七日甲申授无位與基王從四位下九年正月十二日癸丑散

位從四位下與基王為侍從十一年正月廿五日戊寅從四位下行侍從與基王為信濃權

守元慶四年二月八日壬辰左京人從四位上行左馬頭兼伊勢守與基王賜姓源朝臣與

基人康親王之子也六年二月三日丙子從四位上行左近衛權中將源朝臣與基為備前

守權中將如故仁和三年二月十七日辛酉正四位下行左近衛權中將源朝臣與基為伊

勢權守權中將如故

史料卷之九

史料卷之十

宇多天皇事記第五下起寬平三年十月盡十二月

十月小 戊寅朔

八日乙酉免諸國田租徭役半事

政事要畧云太政官符應復當年徭十日事右太政官去十月十九日下諸道符傳良世今日八月日詔書傳其令天下州郡半減今年徭役者而或國宰等申云庸之與徭各可半減者右大臣宣奉勅今案事意設兩字雖分爲庸徭之由非無舊說而獨號雜徭之意已有成文須會據嘉祥元年恩詔之例只免半徭不疑殆者諸國宜承知依宣行之寬平三年十一月十九日

又寬平四年官符云得近江國去年十一月廿三日解傳檢案內太政官今年十月十九日下當道諸國符傳依今日八月日詔書令天下州郡半減今年田租國司四分損分更免一分大都通計免五分狀下符諸郡既訖全文在四年

十三日庚寅皇子齊中親王薨事

一代要記云齊中親王母女御橘義子寬平三年十月十三日薨

皇胤系圖云齊中親王母女御橘義子參議廣相女按皇胤紹運錄同之

廿八日巳定調庸徵率事

類聚三代格寬平五年官符云太政官去寬平三年十月廿八日下民部省符得彼省解
傳主計察解傳謹檢太政官去仁和四年七月廿三日符傳得太宰大貳從四位上藤原朝
臣保則解狀傳調庸租稅國之大事其租稅者元有徵率之例至于調庸未必有例重望准
租稅徵率以為當時之務者左大臣宣奉勅依請者今依符旨執端縱橫或云依公廩本額
為之徵例或云計未進物數為其率分疑論兩端當有一定者省依解狀謹請官裁者同宣
宜准承和十三年八月十七日格計未進之數每年徵十分之一者全文在五
年五月

廿九日丙天台座主圓珍入滅事

扶桑畧記云十月二十九日天台座主少僧都圓珍入寂按和漢合符為七月元亨釋書為
二年四月廿九日同資治表為今
月廿三日明匠略傳為四年十月廿四日大鏡裏
書一代要記帝王編年記歷代皇紀等同本卷

天台座主記云第五圓珍和尚智證大師
少僧都治山廿三年讚岐國那珂郡金倉鄉人和氣氏母

佐伯氏師主修禪大師顯德圓和和上灌頂弟子光定和尚慈覺大師等弟子天長十年四月

十五日受戒九年十仁壽三年七月十六日入唐解纜天安二年六月日歸朝復命貞觀十年

戊六月三日補座主年五十五元慶七年癸十月七日轉叙法眼年七十座主補
僧綱最初也寬平二年

庚十二月廿六日任少僧都同二年辛亥十月廿九日入滅春秋七十八
夏曆五十九延長五年十二月廿

七日勅書贈法印大和尚位賜智證大師

釋家初例抄云圓珍號千光院僧都元慶七年三月廿六日叙法橋

圓珍和尚傳云天台宗延曆寺第五座主入唐傳法阿闍梨少僧都法眼和尚位圓珍俗姓

和氣公讚岐國那珂郡金倉鄉人也父宅成頗殖資產兼有行能為鄉里所歸服母佐伯氏

故僧正空海阿闍梨之姪也嘗夢乘大舸浮巨海仰見朝日初出光耀赫奕將以手捉之爰

日更如飛箭來入口中覺後以夢語其夫夫答曰此吉徵也當生賢子無幾懷妊遂誕和尚

和尚岐嶷機警幼有老成之量兩目有重童子又頂骨隆起形如覆坏遠而視之似有尖頭

實是靈骸特峙也年始八歲語其父云內典之中可有因果經美令我誦習其父驚異即求

而與之和尚得之大悅朝夕誦讀未嘗休廢鄉閭視之者莫不歎異年十歲讀毛詩論語漢

書文選一所閱習即以誦畢十四辭家入京十五隨叔父僧仁德初登叡山仁德語云兒器

宇宏邃誠非凡流吾是短綆之量難測其淺深焉須請業碩學期彼大成即託前入唐尋教

沙門第一座主義真和尚和尚喜其才量盡意善誘授之於法華金光明大毘盧遮那等大

乘經及自宗遺疏年至十九奉年分試時試業師及證師等見其秀拔深加精覈異問蜂起

遞相攻伐和尚驅電彌激懸河更注事出問表疑銷詞端耆德後輩為之歎服於是勅使深

加嘉異處之甲第其年受戒為僧依例蟄山于時天長十年四月十五日也其後經歷一紀

堪忍艱險或度旬飢頓或入冬單寒全護戒律精練修學名譽稍聞遂填天下深草天皇屢降綸旨殊加慰問兼給資糧寵遇隆渥多超時輩初承和五年冬月和尙畫坐禪於石龕之間也忽有金人現形云汝當圖畫我形懣歸仰和尙問云此化來之人方以為誰乎金人答云我是金色不動明王也我愛念法器故常擁護汝身汝須早究三密之微奧為衆生之舟航爰熟見其形魁偉奇妙威光熾盛手捉刀劍足蹈虛空於是和尙頂禮意存之即令畫工圖寫其像像今猶有之僧年十有餘寺中衆僧大小歸伏受業者居多當時名儒有識通好結契者稍傾京洛和尙一十二年究閱經論其中疑滯無人擊蒙卒然馳心思遊西唐承和十一年滿紀出山十三年七月廿七日寺衙牒云滿山大衆議云圓珍大德雖年齒未深習學顯密博覽他宗才操超倫智畧尤深須擬任自宗學頭令之陶練長幼進退上下者寺衙隨牒承為後驗云々同年冬十月和尙為上翊聖主下鎮率士於松尾明神社發願誓云願我每年五月八日十月八日於比叡明神社頭講演法華佛名等大乘經以為一生之事即於彼社始修講事嘉祥元年春和尙夢日光將隱西山有一異人以繩繫日以授和尙和尙取繩徐引之日乃再中正成停午光彩煥炳普照天下覺後遍問諸僧或云和尙念願有感延祚之徵也或云和尙慧光照耀佛日更明之象也僧年十五主上擢為定心院十禪師此歲正月為大極殿吉祥齋會聽衆辯論泉涌究微入妙道俗聞之者莫不歎服更於御前

與法相宗智德論決大義問難激揚辯捷如電故為其答對者詞窮理盡自如木舌焉名譽俄播宣晤朝野嘉祥三年春夢山王明神告云公早可遂入唐求法之志勿致留連和尙答云近來請益開梨和尙仁公究學三密歸著本山今何遠汲々於航海之意乎神重勸云如公語者世人多剃髮為僧公何以昔者汲々於剃髮之志焉明年春明神重語云沙門宜為求法忘其身命況今公利涉之謀有萬全之真助乎努力勿生疑慮和尙夢中許諾乃錄意旨抗表以聞主上深感懇誠便蒙許可僧年十八有別勅補內供十禪師仁壽元年四月十五日和尙辭京向大宰府遂入唐之志也同三年七月解纜進發天安二年歸本朝乃奉奏狀叙在唐行事兼陳意趣本末和尙入唐頻遇天竺諸三藏習學悉疊并梵夾經諸瑜伽其言語音詞一與彼方詞同無有分別由是先後所遇三藏嘉其易授兼亦歎異之和尙貞觀初歸朝故太政大臣美濃公深相尊重資廩供養日夕不絕和尙乃住本山舊房以所傳大法及自宗章疏教授諸僧貞觀六年秋奉勅入京即於仁壽殿結大悲胎藏灌頂壇皇帝入壇定尊位於寶幢如來美濃公為首入壇者三十餘人其後重有勅令和尙講大毘盧遮那經一部皇帝聽之忘倦八年春美濃公奉勅令和尙住冷然院建持念之壇專祈寶祚兼護持皇太后其年七月十七日有太政官牒令和尙弘傳真言止觀兩宗九年唐温州內道場供奉德圓座主付婺州人詹景全向國之便贈則天皇皇后縫繡四百副之內極樂淨土

變一鋪織繪靈山淨土變一鋪付法藏上自釋迦迦葉下至唐慧能之影像二幀子爰和尚待得思量既是大國靈異之像豈啻撈籠一藏之裏仍命爲萬人拜見每至年々舍利會那邊之日懸于塔簷爲會先兆十年六月三日有勅任座主于時生年五十五夏臘三十六十四年九月請假歸山自爾以後非朝家之懇請未嘗出於山扉之外元慶元年天皇登祚之初依例講百座仁王般若經別有勅命和尚爲御前講師五年唐婺州人李濬依和尚之囑付張家商船送來本朝一切經闕本一百二十餘卷六年差僧三慧入唐重令搜寫闕經三百四十餘卷七年勅叙法眼和尚位其辭云勅天台座主珍公聲高印手價重連眉作禪門之棟梁兼法水之舟楫朕自從降誕之時至于成立之日賴公潛衛猶得保存欲酬之心監寐尤切因今授法眼和尚位聊叙朕懃懇之懷庶增德望於山楹發光華於淵戶仁元年皇帝踐祚又依例講仁王經和尚亦爲仁壽殿講主皇帝悅其雄辯深加慰謝二年秋皇帝不豫危篤甚劇熏修走幣遂無得驗太政大臣越前公令人屈和尚侍帝病和尚奉命下山侍仁壽殿一宿之中病即平愈和適如常天皇深以感服即給年分度者二人寬平二年冬爲少僧都和尙語諸僧云今日推獎極非素懷但上懼違聖主之恩施下憚乖大眾之篤志故旬月之間暫叨此號須大眾早奉賀表然後貧道抗辭退之詞而已三年夏寺家大眾數百餘人詣闕奉賀表其秋和尚將抗表辭職而坐禪少暇法務多端經秋入冬未遂宿

慮臨終之日遺恨更深初今年春二月和尚俄語門弟子曰我今年將終汝曹宜記之其葬送之法須以木造柩安棺其上積薪於柩下漸以火燃之不得燒之於地上何者我身誠雖濁穢常觀諸尊藏於心殿熏染猶在何可自輕又云我所傳三部大法宜求其人而傳之其年五月即經奏聞蒙官牒傳授三部大法於猷憲康濟兩大法師以爲三部阿闍梨爲不斷佛種也時門人夢大山崩倒或夢富寺丈六佛起座他去冬十月廿七日和尙忽自唱門人云十方聖衆雲集我房汝等早應掃灑房舍排批香華如此口唱又手左右相揖再三也先是和尚令寫唐本涅槃經疏十五卷將流通於寺家書寫之後手親雕校正其謬誤廿九日臨終之朝猶亦執持此疏乃語門人云如來以慧爲命比丘以法爲身汝等宜憶之其日食時齋供如常日沒之後手結定印合眼安坐念佛懇至倍於尋常至五更時更起索袈裟開匣取三衣手捧頂戴取水漱口右臥枕三衣入滅終無病痛後二日將亦火斂僧徒跪請替三衣枕和尚即舉頭令取之其夜滿山大小聞天樂滿虛空乃葬叡山南峯之東塹送終之制皆如遺旨時和尚春秋七十八夏臘五十九居座主職二十四年焉和尚形神超倫骨氣有餘遊天台國清寺之日與耆德清觀元璋深有情好元璋常誠和尚云入里止宿殊可用心和尚頂有靈骸此凶邪之人常所窺求和尚問云取之何用答云無賴之輩將求福智見人有靈骸者密謀殺戮持其頭髓以爲藏往知來之用求福致利之資台州刺史端公覓和

尚如舊交亦以此靈骸深爲固身之誠和尚答云若有宿業防護何益若無宿業其奈我何初元慶中和尚住本山忽流淚悲哽云大唐天台國清寺元璋大德昨夕入滅無幾其後一年又哭泣甚悲云我大唐請益之師良謂大和尚奄忽遷化貧道須修道福致門弟子之志乃於延曆寺講堂修誦當時聞之者未有信然其後元慶七年柏志貞到著太宰府天台國清寺諸僧并越州良謂和尚遺弟子等書信並付志貞送和尚具錄元璋并良謂和尚遷化之日與和尚先語曾無睽違亦嘗語諸僧云嗟乎留學和尚圓載歸朝之間漂沒於滄海之中悲哉不歸骸於父母之國空終身於鯨魚之鄉命也如何再三感咽涕泗漣如其後入唐沙門智聰歸朝語云智聰初留學和尚圓載乘商人李延孝船過海俄遭惡風舳艫破散圓載和尚及李延孝等一時溺死時破舟之間有一小板智聰儻得著乘之須臾東風迅烈浮查西飛一夜之中漂著大唐温州之岸其後亦乘他船來歸本朝於是計圓載和尚沒溺之日正是和尚悲泣之時也天下莫不歎異貞觀末聰持院十禪師濟詮將入唐求法并供養五臺山文殊師利菩薩主上及諸卿多捨黃金以爲供養文殊之資濟詮辭山之日拜別和尚便問大唐風俗兼將習漢語和尚默然一無所對濟詮深有恨色起座之後和尚語門人云此師雖有才辨未曉空觀入唐謀似衒名高若心殿不掃何得三尊之加持若加持不至何踰萬里之險浪其後濟詮果不著唐岸又不知所至和尚先識機鑿皆此類也弟

子或問曰和尚洞視萬里之外如在戶庭之中察知將來之事如置目睫之間豈神通力之所致乎將宿命智之所成乎和尚大笑答云我自少年歸依金剛薩埵以爲本尊故現在未來善惡業報或夢中示之或念定之間現形告語而已識者服其實語不矯飾也和尙自從入山之時至于臨終之日涉獵經典誦憶義理或味且隱几俄忘齋食或終夜對燈遂無假寐年及八十耳目聰明精神明悟齒牙無靈氣力不衰食啖之間曾不別羶澀與甘美也論者皆以爲得六根清淨之驗也和尙總披覽一切大小乘經論章疏三遍講演自宗大乘經并章疏不可勝計受大法登阿闍梨位并受一尊儀軌者一百餘人手剃鬚髮授戒爲弟子僧者三百餘人登壇受戒菩薩僧者二千餘人焉初傳教大師斬木刈艸建延曆寺遂入大唐傳天台真言兩宗其後相承闡揚兩宗光大門戶者慈覺大師與和尚而已延喜二年冬十月廿日翰林學士善清行記之

三代實錄云貞觀八年五月廿九日壬申勅令內供奉十禪師傳灯大法師位圓珍弘傳真言止觀兩宗教先是圓珍奏言祖師十禪師傳灯大法師位最澄父師十禪師傳灯大法師位義真延曆年中奉勅入唐請益歸朝之日並蒙賜勅印公驗又師兄前入唐天台宗請益十禪師傳灯大法師位圓仁復命之時上奏春秋二季永修灌頂兼加金剛悉地經業年分度者皆爲永代不朽之驗也圓珍奉詔入唐傳得真言天台兩宗教文以添先師之遺跡奉

異皇王之至化伏乞准例蒙賜牒身公驗兼下知所由隨力流傳擁護國家利益群生酬先師恩謹具求法來由伏聽天裁從之仁和二年十月十一日丙辰延屈延曆寺座主圓珍於紫宸殿修護摩法限以五日祈帝病平愈也

元亨釋書云珍詣紀州熊野適風雨晦冥迷失路俄大鳥飛來爲前導已而至祠衣上之裝不違解便講法華神排殿戶自此熊山一乘八講雖晴天置裝講師座下以爲式珍睿山房有山王明神座或曰山王受戒時坐此故人呼珍房曰山王院貞觀十年六月尙書省劄以近州三井園城寺爲傳法灌頂道場賜珍安置唐地傳來佛像經籍四至山野禁俗輩侵掠初傳教於睿山構三字北置多聞天王像號毘舍門護世堂南度經律論名一切經藏中安藥師佛像曰一乘止觀院以其居中稱中堂久稍朽壞珍合三字爲一堂今之中堂也尙存昔號或曰不乖本乎對曰始之三字者三諦也今之一堂者一諦也三諦即一我豈反祖意乎

又云園城寺者大友與多之所建也初天智帝勅太師大友氏移崇福寺建此地安丈六彌勒像天皇有夢又敕太師還遷本地太師薨其子與多承願命奏天武帝創之亦是太師之家基也天安二年圓珍法師以唐國傳來經籍尙書省新羅明神現形曰是日域中我已占勝地師聞官建院置此書既而珍與新羅山王二神及二比丘到寺問經始寺僧時老比丘

丘來曰我名教待年一百六十二傳聞寺成以來過我壽者殆二十歲現今有檀家之孫乞問彼待即呼彼人來大友氏具說寺事又曰待公日者說師之誕育遊學今朝言當來我需師者久矣使以寺之四至契券併授焉珍問大友氏曰此寺曰御井何答曰寺之西岩有泉井天智天武持統三皇降誕時汲此井水爲浴湯俗因而號御井寺珍聞此事見地勢宛似唐青龍寺又思新羅明神言規爲靈區乃改御井爲三井曰取三皇浴井之事也御三和又訓近曰我對此水爲三部灌頂之闕伽至慈氏三會之期故改三字耳珍與二僧還詣關奏三井事敕造一字名唐坊移尙書省經籍置焉今日又唐院又大友太師所捨四至界畔依敕全歸且免官租承充寺供焉按此事見大師起文蓋本書之所本也

本朝神仙傳云教待和尚者近江國志賀郡人也雖及數百年容顏如元唯愛少年女子兼食魚肉口悉吐之變成蓮葉後逢智證大師讓園城寺地曰待君來守此勝地自今可被弘佛法言訖而失按又見今昔物語

古今著聞集云三井寺乃鎮守新羅明神ハ娑竭羅龍王乃子也智證大師渡唐の時大師の佛法をまもらんや誓給て形をあらはして彼寺ノ跡を垂給へるなり圓滿院僧正明尊はじめて祭禮を行はれける明神悦ひ給て一首の和歌を託宣し給けるからふぬよのりまもりよとあしかひりありけるもの哉あゝのときまりよ

今昔物語云今昔文德天皇ノ御代智證大師申聖在ケリ千光院ニ住給ケ程
 俄ニ弟子ノ僧ヲ呼テ持佛堂ニ有香水取テ持來レ宣ケル弟子ノ僧香水持來レ
 和尚散杖ヲ取テ香水ニ濕テ西ニ向テ空ニ三度灑キ給ケル弟子ノ僧是ヲ見テ怪
 是ハ何事ニ此ハ灑カ給ケト問ヒ申ケレ和尚宣ハ宋ノ青龍寺ハ物習ヒ問我カ住
 寺也只今其寺ノ金堂ノ妻戸ニ火ノ付レハ消カ爲香水灑ル也ト弟子
 ノ僧是ヲ聞テ何事ヲ宣モト不悟テ心不得テ止リ其次ノ年ノ秋比宋ノ商人ノ渡
 レケ付テ去年ノ四月ノ日青龍寺ノ金堂ノ妻戸ニ火付ケリ而丑寅ノ方ハ俄ニ大
 ナ雨降來テ火ヲ消テ金堂ヲ不燒成ト云フ消息ヲ和尚ノ御許ニ彼青龍寺ヲ奉
 其時ハナ彼ノ香水取テ持來レ僧和尚ノ香水散テ給ヒ然レコト有ケレ思ヒ驚テ
 他ノ僧共ニ語テ貴ルヒケ此ニ御ノ作テ宋ノ事ヲ空ニ知リ給ハ實ニ是ハ佛ノ化シ給
 コルニ有ケレ云テ皆悲ニ貴ルヒケ是ノ非ス奇異ノ事多ハレ世舉テ貴ルヒケ事無
 限接又見帝
 王編年記

嚴神抄云智證大師ハ元ハ德圓和尚ノ御弟子也ケレトモ慈覺大師ニモ一分ノ御弟
 子ニテ御シキ俗姓ハ弘法大師ノ姪御子ニテ御レケル故ニ弘法ト慈覺大師トノ法
 流ノ不同ヲ爲決其眞僞入唐レ玉ヒケル也於震旦眞言ノ棟梁ヲメツ子玉フニ只法

全和尚ノ眞言ノ家嫡相承ノ人ハ又御座マサレケリ故ニ重而法全和尚ノ於所
 眞言教ヲ傳テ隨テ其請和尚天台ヲ尋玉フ而ニ眞言ノ嫡流相承ハ法全和尚ノ外ニ
 ハ更ニ人無ク慈覺大師又法全和尚ヨリ嫡流ヲ傳レハ唯授一人ノ付法ニテ御ス故
 ニ御相承ノ義何事カ違コト有ンサレハ慈覺大師ノ御所立正説也ト云事ヲ被開テ
 歸朝ノ後ハ偏ニ慈覺大師ノ御方人ニテ弘法大師ヲハ處々ノ御釋ニ破シ玉フ爰ニ
 智證大師ノ門人別ノ顯密共ニ智證ノ御法流立ントセルヨリ兩大師ノ門人相分レ
 テ大ナル諍ニ成リニケリ覺大師ノ門徒ノ擬スル様ハ先ニ三塔會合ノ智證ノ門徒ヲ
 悉ク其夜中ニ打殺スヘント議定シ畢ヌ三井ノ慶祚阿闍梨ハ南谷蓮臺房ノ坊主ナ
 リケルカ良眞座主如何レテカ慶祚計ニ此事ヲ告知ント思食ケレモ無其隙ケルナ
 聊ヒマノ御座レケル時蓮臺坊ヘ密ニ御入アリテ此由ヲ告玉フ聽而阿闍梨落サセ
 玉誘次ノ便リ有ル一兩人ニ此事ヲ告テ通り玉ヒ又聞傳テ智證ノ門人悉クソノ夜
 ノ内ニ沒落シ先西坂本ノ北石藏ニソ住シケルトカヤ彼寺ハ智證大師住行ノ砌リ
 善惠上人ノ舊跡也本堂ノ寺號ヲハ大雲寺ト號シ智證大師驗顯玉フ所也依此寺ノ
 由緒住シケル事也其後尙ヲ尋智證大師ノ古跡テ七ヶ所ニ住替ヘケルカ今ノ園城
 寺ハ教待和尚ノ昔跡智證大師勤行ノ所也智證法流此寺ニ可繁昌旨御記文ヲ見出

テ最結句ニ三井寺ニ住ケリ其後於園城寺三摩耶戒壇ヲ可立ノ由公家ニ奏テ度々宣下ヲ被成ケレ_レ及山門大詔顯密戒法更不可有其不同由上者三摩耶戒壇不可有ト堅依支申遂ニ造立ノ義無之其外又三井ノ門人ヲ山門座主ニ被補事度々有レカ_レ山門更ニ無承諾勅使ヲハ追下ス是又山門更ニ不用事也三井之門徒離山ノ後智證大師ノ御骨ノ御影ヲハ彼御本房當谷ノ經藏坊ニ安置申サレケルヲ寺ノ法師夜中ニ密ニ上リテ御骨ノ御影ヲ張輿ニ奉乘セ盜ミ取リテ下ケリ其ヨリシテ山上ヘ張輿ヲ登スル事無之カノ御骨ノ大師ハ當時聖護院トカヤニ御座ス又智證大師御本房ノ經藏坊ヘハ時々御通ヒアリテ常住ニハ千手堂ノ不斷經ノ所ニ御座有リケ_レリ故ニ山王院ノ大師トハ號シ奉ル山王院トハ千手堂ノ院號ナル故也當谷ノ千壽并獨古井皆智證大師ノ御時出來ル名ナリ

新古今集云入唐のときのうた智證大師法の舟さしてゆく身をもろくの神も佛もわれをみぢなへ

四大寺傳記智證大師下云御影銘曰雙瞳遠瞻奇骨嶽峯覺月現相夢日擊陰花頂步石英聲振金識良謂滅山瀛阻深橋在列草之此御繪大師御自筆ト云テ讚州寶幢院ニ在焉

是月内供惟首任園城寺長吏事

園城寺長吏次第云惟首内供阿闍梨慈覺弟子遍昭入室近江國人也寛平三年補任

僧官補任云惟首和尚寛平三十任于時内供治二年

十一月大丁未朔

五日_{辛亥}令檢非違使正支子染深色事

政事要畧云彈正式云支子染深色可溢黃丹者不得服用私案縫殿式染黃丹者以紅花支子酢蘇交染故有制支子染深色寛平三年十一月五日右兵衛佐藤原滋實仰云支子染色非警、日者左右檢非違使等相共隨宜是正不必切勘

廿四日_{庚午}賀茂臨時祭事

政事要畧云外記日記云寛平三年十一月廿四日庚午休也此日於鴨明神有奉幣帛并走馬之事勅使右兵衛督藤原朝臣高經率東遊男廿人參上下社皆著青摺歌舞如例東遊男左右近少將侍從殿上藏人衛府判官等奉仕見之者車馬甚衆多也

社注式諸社根元記

按又見伊呂波字類抄二十二

康富記云寛平三年十一月二十四日被立賀茂臨時祭使東遊男二十人内左右近少將侍從殿上藏人衛府等奏之

十二月小 丁丑朔

九日乙酉光孝皇女源忠子等為內親王事

一代要記云為子內親王元慶八年六月賜姓寬平三年十二月九日為親王忠子內親王

元慶八年六月賜源姓寬平三年十二月九日為內親王簡子內親王元慶八年六月賜姓

寬平三年十二月九日為內親王綏子內親王元慶八年六月賜姓寬平三年十二月九日

為親王按為子宜移綏子次

說在五年十一月十日丙戌令收取關遺牛馬事

政事要畧云寬平三年十二月十日宣旨云典侍春澄朝臣給子宜奉勅宮中關遺牛馬隨

檢非違使取送於寮檢納若有其主請申者一度者決答五十免之犯二度者准此野關遺

馬牛作小印燒額為官馬牛充用雜役立為恒例者

廿九日乙酉光孝皇子中納言是忠等為親王事

公卿補任云中納言從三位源是忠十二月廿九日改為親王叙三品

一代要記云是忠親王一品式部卿貞觀十二年賜源姓寬平三年十二月二十九日為親

王是貞親王三品左近中將貞觀十二年賜源姓寬平三年十二月二十九日為親王今日

叙三品按河海抄為元慶八年賜姓與三代實錄合

西宮記云以中納言源朝臣是忠被賜親王號之日有宣命文

河海抄云式部卿是忠親王元慶八年四月十三日賜源氏姓寬平三年十二月廿九日立

親王元中納言從三位

是年二條后五十御賀事

興風集云貞保の親王の后高子の五十賀奉り給けるに御屏風の繪にさくらのはな

見たる所古今いたづらに過る月日いはけれと花みてくらす春そすくなき

明匠畧傳云陽成太上天皇於二條院賀皇太后五十之算屈六十口名僧四箇日間講論

諸宗之妙旨別有勅命令玄昭與律師勢範對論因明之義答者勢範數以箝口南京北嶺

僧綱以下雖滿其座瞿然不能加一詞聖寶僧正稱歎曰世謂玄昭為護摩王今亦可謂因

明王子時人以為美談

減敦仁親王御封事

日本紀畧云醍醐天皇諱敦仁寬平元年十二月廿八日詔為親王三年月日半減封戶

令文章博士長谷雄講漢書事

和漢合運云寬平三年紀長谷雄始讀漢書

近江國別浦八幡造宮事

別浦八幡緣起云寬平三年辛亥當社造宮次始崇別宮古來正殿者南面也東社西面皇
后仲姬命西社東面皇后盤之媛命

史料卷之十

價金三十一錢五厘

